

Sarajevo,
Broj:

30-04-2020

01-04-4-198/20

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-18621 od 22.04.2020. godine, Generalna direktorica donosi:

ODLUKU

o poništenju postupka javne nabavke

I

Prihvata se prijedlog Komisije za nabavku radova na izgradnji nadstrešnice sa objektom za kontrolu pristupa na Glavnoj kapiji KCUS-a, po Izvještaju br. 10-33-4-18621 od 22.04.2020. godine, nakon provedenog otvorenog postupka javne nabavke, objavljenog na portalu E-nabavke pod brojem obavještenja 893-1-3-139-3-59/20 od 11.03.2020. godine i postupak poništava u skladu sa čl. 69 stav 2 tačka e) ZJN (Sl.Glasnik BiH 39/14), jer su cijene svih prihvatljivih ponuda znatno veće od osiguranih sredstava za predmetnu nabavku.

II

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

OBRAZLOŽENJE

U skladu sa Odlukom Generalne direktorice KCUS-a broj: 01-11-7-12770 od 10.03.2020.godine, pokrenut je postupak javne nabavke za **nabavku radova na izgradnji nadstrešnice sa objektom za kontrolu pristupa na Glavnoj kapiji KCUS-a**. Procijenjena vrijednost nabavke je 80.000,00 KM bez PDV-a. Nabavka je planirana privremenim Planom javnih nabavki za 2020. god. pod klasifikacijom investicije radovi redni br 3. (Odluka o usvajanju privremenog Plana javnih nabavki Kliničkog centra Univerziteta u Sarajevu za 2020 godinu, broj: 478/20 protokol br. 02-01-5014/20).

Klinički centar Univerziteta u Sarajevu je na portalu E-nabavke dana 11.03.2020 godine objavio Obavještenje o nabavci broj: 893-1-3-139-3-59/20, zajedno sa Tenderskom dokumentacijom.

Tendersku dokumentaciju sa portala e-nabavke preuzelo je 14 (četnaest) potencijalnih ponuđača, a do krajnjeg roka određenog za prijem ponuda, dana 00.04.2020. godine do 15,00 sati, dostavljene su 4 (četiri) ponude ponuđača:

1. INTERMING doo Sarajevo sa ukupnom cijenom ponude 112.557,10 KM bez PDV-a
2. EKO-TEH doo Sarajevo sa ukupnom cijenom ponude 113.559,66 KM bez PDV-a
3. DINALSA doo sa ukupnom cijenom ponude 99.426,29 KM bez PDV-a
4. HDI doo Sarajevo sa ukupnom cijenom ponude 121.236,88 KM bez PDV-a

Komisija imenovana Odlukom broj: 01-04-4-17368/20 je izvršila uvid i provjeru svakog dostavljenog dokumenta i ustanovila slijedeće:

Ponuda ponuđača INTERMING d.o.o. Sarajevo ne ispunjava formalno pravne zahtjeve iz tenderske dokumentacije. Tačkom 3.7 tenderske dokumentacije tražena je „Izjava ponuđača o zadovoljavanju uvjeta za preferencijalni tretman domaćeg“ koju ponuđač Interming nije dostavio, ali je u ANEKS-u 1. tačka 3. tenderske dokumentacije zaokružio da „Naša ponuda ISPUNJAVA uvjete za primjenu preferencijalnog tretmana domaćeg, te u sastavu naše ponude dostavljamo zahtijevane dokaze navedene u tenderskoj dokumentaciji“. Prema Aneksu 1. koji je ponuđač popunio i potpisao, bio je dužan dostaviti **dokaz, odnosno traženu Izjavu.**

Iz navedenog razloga **ponuda ponuđača INTERMING d.o.o. Sarajevo nije prihvatljiva i ne može učestvovati u daljem toku natjecanja.**

Almond polo Almond

Nadalje, ponuda ponuđača HDI doo Sarajevo je imala računsku grešku. Komisija je putem fax-a uputila zahtjev za potvrdu korigovane ukupne cijene ponude br.10-33-4-17370/1 od 15.04.2020. godine, a u skladu sa tačkom 6.6 Ispravke grešaka i propusta tenderske dokumentacije predmetne nabavke. Ponuđač HDI doo Sarajevo je u ostavljenom roku dostavio saglasnost za ispravku računске greške br. 10-33-4-17370/2 od 16.04.2020. godine. Vrijednost ponude nakon ispravke iznosi 121.358,26 KM bez PDV-a, odnosno 141.989,17 KM sa PDV-om.

Ponude ponuđača EKO-TEH doo Sarajevo, DINALSA doo Sarajevo i HDI doo Sarajevo ispunjavaju formalno pravne i suštinske zahtjeve, a što se vidi u tabelarnom prikazu, gdje su dostavljene ponude ocijenjene kao prihvatljive, pa mogu biti predmet vrednovanja i mogu učestvovati u daljem toku natjecanja.

Za predmetnu javnu nabavku predviđena je primjena e-aukcije, a isto je navedeno u tenderskoj dokumentaciji kao i u Obavještenju o nabavci broj: 893-1-3-139-3-59/20 od 11.03.2020. god. Imajući u vidu gore navedeno, Komisija je predložila da se zakaže e-aukcija sa ponuđačima EKO-TEH doo Sarajevo, DINALSA doo Sarajevo i HDI doo Sarajevo sa primjenom preferencijalnog tretmana domaćeg, kako slijedi :

PODACI IZ PONUDE	1.	2.	3.
Naziv ponuđača	EKO-TEH doo Sarajevo	DINALSA doo Sarajevo	HDI doo Sarajevo
Cijena ponude bez PDV-a (KM)	113.559,66	99.426,29	121.358,26

E-aukcija je zakazana za 21.04.2020. godine u 10:00 sati.

Konačna rang lista ponuđača koji su učestvovali u e-aukciji:

Red.br.	Naziv ponuđača	Ukupna cijena ponude bez PDV-a
1.	DINALSA doo Sarajevo	99.227,45 KM
2.	HDI doo Sarajevo	99.326,87 KM
3.	EKO-TEH doo Sarajevo	113.559,66 KM

Obzirom da je procijenjena vrijednost nabavke 80.000 KM bez PDV-, a da i nakon provedene e-aukcije, sve prihvatljive ponude imaju **cijenu znatno veću od predviđenog budžeta, Komisija je, Izvještajem br. 10-33-4-18621 od 22.04.2020. godine, dala prijedlog da se postupak nabavke objavljen na portalu E-nabavke pod brojem obavještenja 893-1-3-139-3-59/20, poništi u skladu sa čl 69 stav 2 tačka e) ZJN (Sl.Glasnik BiH 39/14) jer su cijene svih prihvatljivih ponuda znatno veće od osiguranih sredstava za predmetnu nabavku“.**

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA
Prof.dr. Sebilja Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS